

民國四十八年四月吉日

江九關 本源堂翻印敬送

敬愛善文
如不暇看

功德無量
轉送別人

附錄 善與人同詩詞

呂祖師乩示墨狀元醒世詩

重刊羅狀元念菴醒世詩序

蓋聞皇天無親。惟德是輔。我輩同人。早結善緣。思臻極樂。原子甲辰年在省城橫沙鄉。建立與善善堂。崇祀。鍾太仙師。壬寅年始建亦鶴樓。崇祀。呂純陽祖師。迨辛酉年卧雲廬落成。崇祀。張三峯祖師。辛酉夏月。旋奉祖師乩示。着於香港組織分壇。聯絡道侶之感情。利便同人之祈禱。時卽在上環大馬路四樓。崇奉。呂祖師。張祖師。甲子夏月。又承師訓。擇冬月。復遷移奉祀於西環太白台。師靈赫濯。信道日多。戊辰浦月五日。堂上董友問事。乩盤木筆批示未完。適惠

來林君醉仙。到訪了因山人。上壇參拜。卽蒙
陶上芙大仙。乩示詩章。厥後李青蓮大仙。呂純
陽祖師。相繼唱和以示林君。復蒙
呂祖師訓示。云林子橋梓詩林。中多佳句。並有益
於世道人心。惟未得知音。須多作衛道詩歌。以垂
久遠。林君時卽敬許和羅狀元醒世七律詩二十首。
越日和罷。奉呈蒙
呂祖師降乩嘉勉。卽賜道號曰林性修。拜囑作跋冠
首。續刊千本行世。以資感勸。命名曰。呂祖師乩
示重刊羅狀元醒世詩。同人奉命重刊。藉供衆覽。
樂善君子。倘繼續刊送。以廣流傳。其功德豈淺鮮
哉。是爲序

民國戊辰年五月吉日

抱道堂同人謹序

以上乃民國十七年之事蹟也

陶上芙大仙乩示七古詩一章
戊辰五月初五日

醉罷閒看一釣鈎。仙凡同是性中求。
林逋放鶴襟懷靜。翁是詩人姓字留。
時世今非敦上古。群魔亡八孝先仇。
乾坤兩大誰能定。休管凡情講道修。
隨示曰適林子參拜偶示一章

林

君醉仙得詩卽敬和元韻
陶然釣渭一璜鈎。上品生從理道求。
芙謝柳殘梅菊放。仙子甲子去難留。
師兄錫我餐霞術。說法無煩待董仇。
佛閣儒林同衛道。騷壇妙諦久雙修。
一詩成。繕好。敬呈壇前。焚香獻酒。以表微
誠。詎移時乩旋轉。書

李青蓮大仙到示。如此詩章雅句多。仙壇聊作騷壇
可。吾今臨壇聊步原韻一章

醉眼微舒月上鉤。仙丹自有外何求。
林泉花放常來蝶。翁效蒙莊名自留。
過去未來原是幻。無善無惡亦無仇。
君今須勘丹經旨。掃却凡情道早修。

林君醉仙得詩敬和元韻
李杜壇前月半鉤。青蓮風韻早追求。
大才浩氣垂天地。仙筆忽忽去不留。
我著文章思壽世。人爭河嶽賦同仇。
誰爲吾道干城者。好傍林泉之第修。
呂純陽祖師賜詩一章疊前韻
一竿長繫下金鉤。忍耐寧心事可求。
個中消息盈虛長。歲月堂堂不我留。

醉仙思作匡時句。味道何如學董仇。
時屆天中今誥誠。雲門有路道同修。

林君醉仙敬和元韻

呂祖壇中偃月鈞。塵凡無事妄干求。

仙緣有果香江証。師弟詩箋萬古留。

衣砵親承傳要道。一堂濟濟似程仇。

春風滿座栽桃李。佛偈從今見性修。

五月初八日

李青蓮大仙示

有酒吟詩興不賒。百杯微醉眼簾斜。

砂箋木筆如蚯蚓。不用揮毫作畫蛇。

呂仙師示和

酒籌詩債兩無賒。品行端方履不斜。

幾卷文章闢世道。風神奕奕異凡蛇。

李青蓮大仙又示

消夏詩情弗事賒。闌干花影日西斜。
涼生本自心常靜。不撥人間草底蛇。
性修林君醉仙敬和元韻

吳江遊罷楚江賒。湖海歸來斗柄斜。
衣砵新承頻擊砵。飛騰何日判龍蛇。

伍月初八夕。

李青蓮大仙示

雲淡星稀月半瑋。詩成擘荔等珠球。
瑤壇會詠神仙到。靈秀山川一卷收。

呂純陽仙師示和

衣砵真傳玉一瑋。性修能悟結珠球。
文章有價時當顯。雲物江山四望收。

性修林君醉仙敬和元韻

丹訣何殊蘊玉瑀。誰將三教化全球。
干戈萬里紅羊劫。請奏天皇一網收。
夏曆戊辰五月初十日
呂純陽祖師示。跋呈悉。好好。照此刻日刊印。并

示詩一章。

靈壑幽巖靜讀書。吟箋揮翰等髯蘇。

琴餘劍罷閒看鶴。師弟談玄守舊模。

李青蓮仙師示師洞悉性修衷曲偶詠一章

遯跡林泉久著書。盤旋浩氣媿韓蘇。

清風兩袖詩千卷。留與兒孫作楷模。

李青蓮仙師又示

共禍真難罄竹書。摧殘元氣幾時蘇。

循環天理傳今古。弊政何堪作軌模。

性修林君醉仙敬和元韻

詩教原來讀父書。浸將家世媿三蘇。
願公錫我蓮花偈。長與門牆作矩模。

呂祖師勸人爲善修行歌

勞勞勞。顧得錢來年壽高。何時解下食色壳。
與爾攜手探仙曹。本無病。心似煩。世情俗慮
一筆刪。勞筋勞骨過半百。我來問爾幾時閒。
幾時閒。過了年華歲月關。石崇金谷終如此。
安見如今在世間。莫癡滯。那有不老時。日月
不我待。光陰隨轉移。生老病死苦。念此誰不
悲。不用悲。天地有窮期。執迷不悟隨數盡。
惟大英雄自主持。自主持。性命不爲造化羈。
翻身跳出大圈外。登高拍掌笑吟詩。

性修林醉仙恭讀

呂祖師勸人爲善修行歌依韻敬和

勞勞勞。何事金錢百丈高。富後平居不行善。
聲名萬惡紀天曹。勸人世。毋苛煩。機事機心
好自刪。貧人力博針頭鐵。尅尅敲敲若等閒。
若等閒。須臾將葬白雲關。王愷珊瑚今何在。
安有樓臺珠寶騰人間。莫癡滯。英雄須識時。
天地論善惡。榮枯任轉移。兒孫有賢否。念此
徒傷悲。莫傷悲。且曠爾襟期。善緣廣積神仙
果。自有神仙爲護持。得護持。免受閻羅苦負
羈。見機早出情魔外。朝朝玩讀狀元詩。

跋

戊辰春月。性修避亂香江太白台。天中節。詣抱道
堂。訪了因山人。見仙壇砂盤木筆。飛動如龍蛇
。一瓣心香。趨前參叩。禮畢。移時招君蘭蓀。以
陶上芙大仙七古一章見示。首四句冠以醉仙林翁。

性修敬和元韻奉呈。而李青蓮大仙。呂純陽祖
師。相繼降乩酬唱。呂祖師批示。云。林子行世
之橋梓詩林。中多佳句。可挽頽風。惟未遇知音。
須多作衛道詩歌。庶得以垂久遠。性修卽敬許步韻
和羅狀元悟道醒世詩廿首。吟罷呈堂。叨蒙師譽
。附錄門下。賜號性修。復囑題跋刊行。紀念同堂
知遇。感激之深。恩同覆載。溯性修。曾走寧滬。
歷吳越。泛舟西湖。乘津浦車。渡黃河。瞻泰山。
直抵京津。所到名山大川。佛閣禪堂。多掃壁詩題
。祇裙屐忽忽。未得真人鑒拔。相與証妙諦于烟霞
泉石間。詎年來疊遭共禍。淪落江湖。子婦童孫。
流離山海。惶恐萬狀。化險爲夷。意者。否極泰來
。如易所謂窮則變。變則通歟。或則塵緣期滿。
仙師憫我一生慙直。欲引我萬縷吟魂。千尋浩氣。

使之鍊氣化神。鍊神還虛。一旦騎鶴西歸。得伴青蛇寶劍。從我師于蓬壺瀛島間。相與吟詩吹笛。揮塵談玄歟。弟子今附門牆。過蒙拔擢。不有雅咏。難寫余懷。不禁爲之歌曰。嘯傲林泉五十秋。空山著作卧雲遊。願師渡我瀛壺去。藉洗牢騷萬古愁。醉仙疑是謫仙人。家在天南嶺海濱。此日仙壇聞性道。誓憑丹訣了凡身。民國戊辰年五月吉日惠來林醉仙賜號性修薰沐敬跋

重刊羅狀元念菴悟道醒世七律詩十九首
其一

富貴從來不許求。幾人騎鶴上揚州。
與其十事九如夢。不若三平兩滿休。
能自得時還自樂。到無求處便無憂。

於今看破循環理。笑倚欄干暗點頭。

其二

戈盾隨身既有年。閒非閒是萬千千。
一家飽煖千家怨。半世功名百世冤。
簡象金魚渾已矣。芒鞋草履興悠然。
有人問我修行事。雲在西山月在天。

其三

塵世紛紛一筆鈞。林泉樂道任遨遊。
蓋間茅屋牽蘿補。開箇柴門對水流。
得空閒眠真可樂。吃些淡飯自忘憂。
眼前多小英雄輩。爲甚來由不轉頭。

其四

獨對青山一舉觴。醒來歌舞醉來狂。
黃金不是千年業。紅日能消兩鬢霜。

身後碑名空自好。眼前傀儡爲誰忙。
得些生意隨時過。光景無多易散場。

其五

新命傳宣墨未乾。櫛風沐雨上長安。
低頭慙進三公府。跣足羞登萬善壇。
受戒固多持戒少。承恩容易報恩難。
何如急早回頭看。松柏青青耐歲寒。

其六

要無煩惱要無愁。本分隨緣莫強求。
無益語言休着口。非干己事少當頭。
人間富貴花間露。紙上功名水上漚。
勘破世情天理趣。人生何用苦營謀。

其七

爲人不必苦張羅。聽得仙家說也麼。

知事少時煩惱少。識人多處是非多。
錦衣玉食風中燭。象簡金魚水上波。
富貴欲求求不得。縱然求得待如何。

其八

有有無無且耐煩。勞勞碌碌幾時閒。
人心曲曲灣灣水。世事重重疊疊山。
古古今今多改變。貧貧富富有循環。
將將就就隨時過。苦苦甜甜總一般。

其九

得失榮枯總在天。機謀用盡枉徒然。
人心不足蛇吞象。世事到頭螂捕蟬。
無藥可延卿相壽。有錢難買子孫賢。
何如安份隋緣去。一日清閒一日仙。

其十

逐利貪名滿世間。不如破衲道人閒。
籠雞有食湯鍋近。野鶴無糧天地寬。
富貴百年難保守。輪迴六道易循環。
勸君早覓修行路。一失人身萬劫難。
十一
自古爲人要見機。見機終久得便宜。
事非干己休招惹。理若虧心切莫爲。
得勝勝中饒一着。因乖乖裏放些痴。
聰明浸把聰明使。來日陰晴未可知。
十二
急急忙忙苦追求。寒寒暖暖度春秋。
朝朝暮暮營家計。昧昧昏昏白了頭。
是是非非何日了。煩惱惱幾時休。
明明白白一條路。萬萬千千不肯修。

十三

人情相見不如初。多小賢良在困途。
錦上添花天下有。雪中送炭世間無。
時來易得金千兩。運去難賒酒一壺。
堪嘆眼前親戚友。誰人肯濟急時需。

十四

別却家園出外遊。當時冷眼看公侯。
文章盖世終歸土。武略超群盡白頭。
不如靜坐蒲團上。莫惹凡間半點愁。
一日三餐充飽腹。得休休處且休休。

十五

紅塵看破待如何。新燕由來補舊窩。
辛苦到頭還辛苦。奔波一世枉奔波。
金堆萬兩空思慮。名到三公盡折磨。

看起千般渾是夢。何如急早念彌陀。

十六

榮辱紛紛滿眼前。不如安份且隨緣。
身貧小慮爲清福。名重山邱長孽冤。
淡飯儘堪充一飽。錦衣那得幾千年。
世間最大爲生死。白玉黃金盡枉然。

十七

終日忙忙無了期。不如退步隱山居。
布衣遮體同綾緞。野菜充飢勝肉魚。
世事紛紛如電閃。輪迴滾滾似雲飛。
今日不知明日事。那有工夫理是非。

十八

衣食無虧便好修。人生世上一蜉蝣。
石崇未享千年富。韓信空成十面謀。

花滿三春鶯帶恨。菊開九月雁含愁。
山林幽靜多清樂。何必榮封萬戶侯。

十九

爲官終日細沉吟。紫綬無心賴整襟。
陽孽案前由我造。陰司地府有誰親。
願將官職爲仙職。除却凡心卽佛心。
寄語賢妻休再會。從今不必問來音。

附錄狀元夫人和詩一首

緘書一到卽開吟。讀罷兒童淚滿襟。
烈女不堪重改適。賢夫休得再相親。
君今旣悟爲仙去。奴也隨修了色心。
但願西方同善會。九蓮臺伴禮觀音。
性修林醉仙敬和羅狀元念菴悟道醒世詩

其一

七律原韻

掃葉蓬萊不外求。
塵緣誤入到潮州。
雲觀北牖情雖暢。
果証西天願未休。
蘭芷空成騷客賦。
河山久抱杞人憂。
於今領得瀛壺訣。
那可蹉跎到白頭。

其二

滿地災祲年復年。
人間浩厄萬千千。
前生殺孽今生障。
此世機謀隔世冤。
蒼狗白雲形尚幻。
紅羊赤燄禍猶然。
何如脫却塵纓去。
攜手羅浮一洞天。

其三

茅屋湘簾半上鈎。
林泉早傍白雲遊。
庭栽九畹紅芽發。
戶繞雙溪碧水流。
嘯卧西堂頻作操。
行吟北郭久忘憂。
今生不少匡時賦。
頑石應教爲點頭。

其四

何事樽開北海觴。一瓢酣醉亦清狂。
望鄉怕看千山月。憂國推成兩鬢霜。
織繭成絲終自縛。採花釀蜜爲誰忙。
於今勘醒繁華夢。總是黃梁百戲場。

其五

湖上題詩墨已乾。金陵遊罷過臨安。
都門未聽長庚調。客邸自燃太乙壇。
能悟塵寰都是幻。欲成仙佛不爲難。
從今研破元修理。弗傍雲幢夢亦寒。

其六

何必新愁續舊愁。茫茫人海莫深求。
英雄到老歸黃土。奇俊欣今尚黑頭。
世事繁華江底月。權門富貴雨中漚。

煙雲過眼忽忽去。奚事紛紛作鬼謀。

其七

禪門佛理廣包羅。聽得松壇說什麼。
寶磬千年醒世久。慈航萬古渡人多。
春風得意花成錦。秋水含情月弄波。
祇願群英長積善。雞鳴夜夜問如何。
（孟子曰。雞鳴而起。孳孳爲善者。舜之徒也。）

其八

乾坤莽莽太囂煩。草草勞人孰自閒。
塵海誰成三島客。江寧空有六朝山。
古今陵谷都遷變。花木榮枯亦轉環。
後後先先隨際遇。人間得失總千般。
（六朝山句。云江寧於今。祇有六朝之山。安有六朝之人。鑒此則多修善果。覓路西天爲亟亟矣。）

其九

一客襟懷別有天。參禪入道亦陶然。
檀烟薰醒花間鶴。笛韻推鳴柳外蟬。
春夜常開桃李宴。秋山好仿竹林賢。
天倫樂事隨時有。學佛餘閑且學仙。

其十

太息簿書鞅掌間。勞形孰似老僧閑。
情天皎潔江雲靜。心地光明海月寬。
世界萬緣誰主宰。河山千劫久循環。
於今看遍黃楊厄。始識袈裟得最難。

十一

雲門入定卽忘機。釋典翻經事最宜。
善與人同堪倡舉。己如勿欲莫施爲。
曠懷魚鳥真堪樂。到眼鶯花毋浪癡。

縱有豪情休過舉。前程順逆未能知。

十二

孽海錢財莫強求。清風明月度三秋。
須知碧草埋荒骨。應把黃花插滿頭。
世事紛紛何日定。人情狡狡幾時休。
三生石上天台路。何故英耆不肯修。
（古詩云惟有黃花晚節香。醉仙詩意。謂人生如能
積功累仁。雖碧草盈墳。自能留芳後世也。）

十三

爲人切勿昧生初。孝弟慈祥是坦途。
七寶蓮台天上。有。五香樂國世間無。
振聾何啻鳴金鐸。說法洵堪叩玉壺。
竊願群雄回首望。幸無苦海勒軍需。

十四

昔日林泉與道遊。
。託將詩句感王侯。
。張良梅福尋丹訣。
。李廣馮唐怨白頭。
。佛閣拈花真有趣。
。江樓望月總生愁。
。何如學得元真理。
。一入禪房萬慮休。
。

十五

無須勳業媿蕭何。
。好傍松雲老一窩。
。丹篆千年藏世界。
。紅塵萬里擁風波。
。古來卿相頻摧折。
。世外神仙少劫磨。
。且傍蓮花千百蕊。
。蒲團端坐拜彌陀。
。

十六

綠柳紅蓮古渡前。
。榮華憔悴祇隨緣。
。須栽善果成嘉蔭。
。莫把情根種孽冤。
。名世文章能萬古。
。前朝禮樂祝千年。
。長松怪石雲山約。
。此計當年已浩然。
。

十七

遺世襟懷聊自期。杜陵難復浣花居。
（戊辰春月被共黨焚去房屋）
時來當作朝陽鳳。運去偏成涸轍魚。
不盡螳螂藏葉下。何多螟螣逐花飛。
數聲羌笛樓台月。醒澈凡塵百計非。

十八

淡飯粗衣好自修。人間身世一蜉蝣。
石王枉想千年富。李杜何嘗百代謀。
斗室空懷民物志。騷詞難灑古今愁。
從今擬向青山去。長作雲門瀟灑侯。

十九

此生好作老龍吟。感到江山淚滿襟。
陽阮槍林憑彼構。陰司劍閣定相親。

且除塵莽千番惡。早養阿蘭一瓣心。
願祝環球軍政界。早尋仙館聽梵音。

（歐洲戰團劇烈時。山東江神童希張君年九歲。發起萬國道德會。之全球至此。非廣開道德會。不能以化兵災。時美國人李佳白君贊同之。遂於民國四年冬月著息戰一書。按橋梓詩林。醉仙有奧德構兵感賊七律多首。已作於民國三年。中有句云。莫道蠻方皆白草。應持人道問蒼穹。遙憐此日地中海。萬頃洪濤戰血紅。又句云。吾憐海外多危境。秋到人間有殺聲。何日彼蒼開景運。大將慈筏渡羣生。又句云。十國干戈經歲久。三洲士女痛春殘。兵戎到底歸仁化。始信乾元理道寬。我竊願萬國道德會

。從此蒸蒸日上。庶幾慈航普渡。中外同春歟。

。

再和羅狀元夫人悟道七律一首

酬唱一同彩鳳吟。蘭房悟道寫胸襟。

孤鸞對月空憐影。野鶴閒雲更可親。

烈女能成名士志。賢夫善感美人心。

瑤章廿首垂天地。且和仙曹戛玉音。

錄橋梓詩林醉仙子林性修勸世七絕四首

上壽何曾過百年。須培善果結良緣。

謀生縱是紅塵事。莫得人間造孽錢。

何須功利苦紛爭。鼓角無端日夜呈。

且看當年殘殺者。近來因果已分明。

寄語廳庭司法人。須從律理著精神。

三權惟子司民命。亟效鱣堂種好因。

謹獻微誠上國鈞。先崇國本後維新。
綱常千古存亡繫。留點真傳付後人。
錄橋梓詩林醉仙子林性修勸孝歌五古一首
人生天地間。孝親爲要道。竊思投胎年。
日吸懷中腦。十月育嬰兒。如護連城寶。
迨至降生期。劬勞便不少。幸而獲弄璋。
歡情羣鵲噪。三年乳哺中。時時置懷抱。
穢濁污親身。塵垢污親貌。學步牽娘裙。
刻刻防傾倒。遲食慮兒飢。多食慮兒飽。
有風慮兒寒。有日慮兒燥。年至六七齡。
從師入學校。父則課其功。母更勵其操。
父則閑其邪。母又懲其傲。子若有疾病。
憂心常如擣。子若作遠遊。倚閭深悔懊。
諸凡愛子心。迨無所不到。揣其所以然。

大半爲食報。倘無冀望心。何苦自煩惱。
都緣日暮時。衣祿可相靠。未幾子成婚。
親容已就稿。門戶賴撐持。形神益憔悴。
其子處深閨。歡情琴瑟好。日夕媚嬌妻。
不聞奉二老。詬誶聽婦言。性情多桀驁。
父母有戒言。情詞逞凶暴。致使白鬢親。
仰天徒嗟悼。噫吁一飯恩。千金尚效報。
魏顆獲杜回。老人爲結草。烏哺尚知恩。
羝羊尚知孝。爲何具性天。不能親色笑。
如此昧良人。何以對蒼昊。如此喪心人。
行爲壞於盜。若以陽律科。應卽施槍礮。
若以陰律科。三世作牛獠。名教此罪人。
枉食人間稻。敢以勸青年。及早聽忠告。
須知堂上親。年華將老耄。來日苦無多。

春暉難永保。甘旨奉晨昏。登堂頻慰勞。
親若有教言。隨時應號召。親若有作爲。
傾心爲改造。卽遇幾諫時。陳言毋急躁。
愉色而柔聲。徐徐爲勸導。上可博親歡。
庶不虛跨竈。下可作觀型。藉以勵風教。
他日爾佳兒。亦當爲則倣。束身倫紀中。
手舞而足蹈。本厚者蔭昌。根深者葉葆。
詠此勸世人。一瓣心香禱。
錄橋梓詩林醉仙子林性修醒世七律詩八首
勸孝弟
莫把奇衰誤自由。倫常萬古重操修。
巖陵早釋青年氣。憂慮方無白髮愁。
豈祇高堂供菽水。猶當同室化戈矛。
能和兄弟恢先緒。便是門庭第一流。

戒淫行

淫惡從來報最奇。昭昭天眼欲誰欺。
須知處女原貞女。當把人妻想己妻。
刻一風情縈蝶戀。半生事業葬娥眉。
此間急勒臨崖馬。正是蒼穹感格時。
術可防人莫害人。彼蒼果報有奇因。
胸間縱織千翻浪。頭上難逃百嶽神。
祇傍室家謀戶牖。何勞世路覆荆榛。
此詩勘破循環理。欲涉前途且問津。
戒械鬥
同到人間寄此生。庸何畛域太分明。
婚聯鸞鳳親猶在。禍啓蝸牛實不情。
里黨奚論滕薛長。鄉鄰應守晉秦盟。

環球且創和平會。况在聯村厲甲兵。

施醫藥

寒門疾病最淒涼。四壁蕭條枉斷腸。

空禱神祇延壽算。憑誰醫藥救陰陽。

饕餐尚待籌薪米。湯散安能理桂薑。

蒿目荒村窮苦處。何人濟急慰穹蒼。

濟窮途

太息天涯淪落人。窮途蒿目孰相親。

萬方寄跡餘殘喘。一飯充腸聊救貧。

涸轍魚鱗難得水。亢陽花木喜逢春。

願君亟盡推施力。且補蒼穹大造仁。

修骷骨

荒墳遠積太巖阿。骸骨飄零可奈何。

屍氣侵人成疫癘。墓門吸月作妖魔。

風霜雨露長推蕩。鳥獸蟲蛇久嚙磨。
倘得仁人勤補築。山陰定有鬼神歌。

廣善緣

功德巍巍上格天。懇誠廣積歷年年。
多栽善果培心地。遍植嘉禾廣福田。
自古蘭孫無惡種。從來桂子有良緣。
勸君造此無窮福。勝積黃金億萬千。
錄仙溪雜俎醉仙子林性修戒殺歌一首
戒殺生。戒殺生。請君爲我傾耳聽。上帝好生爲懿
德。乾坤品物都咸亨。雨露風雲育萬彙。吐氣含和
滿太清。或棲於林木。或啄於郊坰。或遊於山壑。
或泳於滄溟。或依於閭巷。或集於戶庭。諸皆受得
惟皇命。渾渾噩噩過浮生。間有操刀呈割剝。一場
冤惡達天庭。試看宰殺日。羊豕大哀鳴。百禽知人

意。欲捕卽飛騰。最慘爲牛馬。問心更不平。一則
爲人騎。一則爲人耕。原來人屬衆生長。亦爲萬物
靈。彌綸同覆載。悲歡共此情。爲何祇緣甘脆欲。
忍將物命受繁刑。彼身赴湯火。爾心善調羹。易地
回心想。此理最分明。假令天地生一物。善飛善走
善機能。勇力精神逾百倍。機謀氣燄勢峻增。時欲
捉人供鼎鼐。諒爾亦必夢魂驚。此時能爲君解厄。
知君百世爲心銘。食極山珍惟一飽。春菘秋韭亦芳
馨。君子無故不殺生。聖訓煌煌紀禮經。造物生人
皆血氣。爲何日夜慕羶腥。世間不少癡愚輩。每逢
佛認殺禽牲。踵事增華逾萬計。煩冤惡氣塞蒼冥。
所以釀成大殺業。奇災浩劫一齊并。噫吁乎。千古
聖神皆仁愛。何嘗要爾以此表精誠。噫吁嘻。嗜殺
者。好惺惺。嗜殺者。早惺惺。

蓮池大師放生歌。

汝欲廷生須放生。此是循環真道理。
他若死時汝救他。汝若死時天救汝。
廷生生子別無方。戒殺放生而已矣。
壽光禪師放生詩

放生贖命事雖庸。無限陰功在此中。
一歲積成千萬福。十年培養萬重功。
已赴網羅遭困厄。近投湯火近驚忡。
臨刑遇救恩無極。彼壽隆兮爾壽隆。

放生文載在安士全書
蓋聞世間至重者生命。天下最慘者殺傷。是故逢擒
則奔。蠅蟲猶知避死。將雨而徒。螻蟻尚且貪生。
何乃網於山。罟於淵。多方搜取。曲而鈎。直而矢。
。百計搜羅。使其膽落魂飛。母離子散。或囚籠檻

。則如處圉。或被刀砧。則若臨劓戮。憐兒之鹿。
。舐瘡痕而寸斷柔腸。畏死之猿。望弓影而雙垂悲。
淚。恃我強而凌彼弱。理恐非宜。食他肉而補己身。
。心將安忍。由是昊天垂憫。古聖行仁。解網著於
成湯。畜魚興於子產。聖哉流水潤枯槁以囊泉。悲
矣釋迦。代危亡而割肉。天台智者。鑿放生之池。
大樹仙人。護棲身之鳥。贖鱗蟲而得度。壽禪師之
遺愛猶存。救龍子而傳方。孫真人之慈風未泯。一
活蟻也。沙彌易短命爲長年。書生易卑名爲上第。
一放龜也。毛寶以臨危而脫難。孔愉以微職而封侯。
。屈師縱鯉於元村。壽增一紀。隨侯濟蛇齊野。珠
報千金。貿死命於屠家。張提刑超天界。易餘生於
釣艇。李景文毒解丹砂。信老兔愚民之牲。祥符甘
雨。曹溪守獵人之網。道播神州。崔解銜環報恩。

狐能臨井授術。乃至殘軀得命。垂白壁以聞經。難
地求生。現黃衣而入夢。施皆有報。事豈無徵。載
在簡編。昭乎耳目。普願隨所見物。發慈悲心。捐
不慳財。行方便事。或恩周多命。則大積陰功。若
惠及一虫。亦何非善事。苟日增而月累。自行廣而
福崇。慈滿人寰。名通天府。儻更助稱佛號。加諷
經文。爲其回向西方。令彼永離惡道。則存心愈大
。植德彌心。道業資之速成。蓮台生其勝品矣。

附錄善與人同詩詞

黃老祖師降示

往來雲夢卜清閑。救世婆心日夕關。
但得吾徒開善化。何分天地與人間。
茫茫宇宙夢雲中。誰識原來我主翁。
離合悲歡皆幻境。一聲大呂扣真宗。
幾人夢醒幾人迷。得莫歡欣失莫啼。
有質有形歸造化。放寬眼界看高低。
黃道人題曰
今日東來明日西。他朝何處是于歸。
人生足處須知足。勿使沉沉墮苦迷。
守心切莫再生心。心內明明一妙心。
妙心照見心心處。一切非心那有心。
明明具足一如來。如是身前靚目開。
衆情盡却無遮倚。方作斯間有寶臺。

呂祖師示蒙子

痴情一定反無情。情欲茫茫何日傾。
情意連情情及意。終須一但是無情。
前日未却去何速。今日未招來何遲。
人心放在天頂上。究竟天高到與非。
塵世渾渾虛歲月。增了許多貪嗔痴。
不到此地心不返。既到此地復何之。
莫厭貧。莫厭貧。當思後果與前因。
金馬玉堂雖足貴。芒鞋竹杖自怡神。
功夫全在貧中得。還原勿認此身真。
是個人。是個人。塵緣未了枉修真。
莫向夢中重入夢。當於身外另尋身。
百年歲月曾能久。死裡求生立本根。
無可憂。實可憂。光陰似箭刻難留。

名枷利鎖牢難破。愛妾嬌兒掛不休。
苦海茫茫誰是岸。急須及早猛回頭。
猛回頭。猛回頭。盡把心猿意馬收。
眼界虛空滄海濶。靈臺清靜碧山幽。
勿嗟退步無安足。指點蓬萊一路遊。
一路遊。一路遊。置身物外等雲浮。
山水有緣春不老。烟霞無擾洞常幽。
奇花好鳥供吟玩。撒手懸崖萬事休。
事可休。即便休。幾家豪富幾封侯。
石崇金谷今何在。鄧氏銅卜未必留。
且看西歌舞地。淒涼一望變荒丘。
將此日夕思悟參着。方可與語道。賜號進修。

柳真君示
人傍山居卽是仙。白雲深處養餘年。

呂

莫嗟池小龍難蟄。何啻置身天外天。
同道同心勉善功。功成有日進天宮。
他山之石相攻礪。嘻笑閒談厭語重。
呂祖師示諸弟子
道緣廣學遍三千。世界花花任變遷。
吾有至言當體認。紅塵白浪勿留連。
幾生難得此人身。且自從頭細認真。
日月如流追不及。他生難保聚同群。
功名富貴戀紅塵。究竟魔端累法身。
泡影電光纔頃刻。輪迴生死種仇根。
斬除貪妄猛爲先。休將荊棘種心田。
名利累人深過海。翻身圈外卽神仙。
簞瓢陋巷不須嗔。靜養名山樂有真。
勘破科名終幻境。幾生慧業悞文人。

一鞭直策入玄關。幾處烟雲幾處山。
天地有情容我老。吟風弄月自清閒。
竹外泉聲聞鳥聲。天然佳景畫中情。
盤足息心坐古石。偶聞風送木犀清。
真樂何如自問心。不須點石與兼金。
任君走盡天涯覓。誰及雲泉坐綠陰。
閒咏數韻。諸子味之。
得修道中之真樂。自然知修道之功矣。
求問洞中將來成道者有多少人
杏壇講學三千衆。萬古名留七二賢。
儒門道教無差別。看子持行堅不堅。
柳真君示求問隨方度人如何法語爲妙
祖師鶴駕返天宮。久有心期立教宗。
志切皈依緣在此。各持肅念感而通。

願學當須看宿根。祖師日現百千身。
慈悲大願遍天下。道不虛傳只在人。
諸子誠求師亦誠。耳提面命慣叮嚀。
指授雖多惟善悟。一破迷機道立成。
子未留心自作閒。乩中字字有金丹。
慧根善悟參消息。立證菩提在此間。
夜靜清風明月時。焚香悟道叩玄機。
開心益慧圓通處。不外中庸理莫歧。
呂祖師示
不失天真性自存。行藏除惱表山川。
明知冷暖虛消息。何用操持弄百端。
一分善行一分人。日月如流不復新。
識得明明真面目。堪知清氣盡除塵。
劫運潛興去復來。明明自取亦應該。

呂

如何不檢身中事。到底難逃舊色骸。
不失身中一片心。千魔歷盡古由今。
無非一念真情性。便是慈悲觀世音。
萬里蓬萊一念遊。道心最近往何求。
也知塵世如泡幻。何不加鞭日日休。
呂祖師示數詞示與諸子各悟
道從太極溯根源。一法能開萬法門。
萬法還原歸一法。天行日月地山川。
洞中濟濟列群英。信是山門旺氣興。
合力同心規矩創。善成善守繼前型。
各具心期各立功。功成一道貫而通。
青蓮且自污坭出。何況靈山淑氣鍾。
立功表表出人羣。不負今生具此身。
見到便爲休自畫。擎天事業賴斯人。

李青蓮祖師題

談經誦佛事嫌多。
煉汞燒鉛術天疏。
釣道直將詩作餌。
攻愁每用酒當戈。
間爲自在忘形役。
淡入冲虛養性和。
活潑天機無着處。
登高拍掌任狂歌。

呂祖師示

秋月初回易歲時。
中天景運轉天機。
玄門大道修行上。
結下菩提度苦難。

呂祖師降

迅速光陰莫可留。
人生幾度歷中秋。
山光愛我垂青盼。
雲氣催人上白頭。
未斷塵緣徒策畫。
旣明覺路早媵修。
莫謂韶華猶有待。
大限來時不自由。
昨歲中秋尚寂寥。
同人賞月又今霄。

可知興替無常數。
醒迷何必待來朝。
呂祖師示

道貫盈虛一粟間。
何須煉汞與燒丹。
借將甘露除塵孽。
自見光明盡了凡。
清虛邱祖師降筆

雲泉靜坐笑拈花。
曲水流觴醉一家。
高士尚留名士跡。
蓬萊上苑亦無他。
丹臺有物度沉迷。
包藏南北與東西。
明明這裡超生死。
好向其中是絕歸。
空空色色習偏多。
空色全歸付苦河。
觀空眼界明如月。
彈指之間赴大羅。
三教同流不間分。
莫向叢中錯立身。
若肯回頭皆彼岸。
勿負生來故舊人。

觀音菩薩示

經聲朗誦遍壇前。佛感誠通護法筵。
諸子盡登歡喜地。幽魂齊出奔何天。
瓶中甘露一枝柳。座上慈雲九品蓮。
善果喜從今日證。三生有幸結雲泉。
猛勇佛題
一拳打破煩惱關。一腳踢倒須彌山。
雙手摩空扶日月。四大神洲任往還。
達摩祖師示
大千世界本虛空。朗若澄潭月印中。
欲悟如來不二法。大雄寶殿一聲鐘。
呂祖師降示題
富貴花開甲第崇。玉堂綿繡列西東。
芝蘭氣味渾相和。散得天香遍洞中。
柏酒重斟祝壽星。紅顏白髮葆真精。

延年有術非丹訣。仁靜如山養性靈。
更喜春初雨露肥。芳林樹樹長孫枝。
春花秋實收成稔。珍重栽培勿悞期。
海外神山有洞天。鸞翔鳳翥會羣仙。
憑空想像終難覓。指點雲泉在目前。
異墳天開古洞深。紅塵障目渺難尋。
餐霞飲露仙無骨。問舍求田世有心。
福地幾曾容俗漢。名山終莫負知音。
從來叙會闕因果。根自前生植至今。
樵西卽境現蓬萊。玉洞珠巖不着埃。
冒雨携壺觀瀑去。撥雲策杖採芝回。
桃源有路津堪問。杏蕊流丹井自開。
貝闕堂皇瞻氣象。神仙富貴兩兼該。
天地精英結構奇。洞門從此立根基。

參來夜寂仙堪叩。隱到雲深俗不知。
藥採山中邱越壑。丹燒月下坎填離。
渾忘世外升沉態。魚躍鳶飛任化機。
李抱真先師示
錦檻雕欄手澤存。古松修竹蔭如前。
自興土木山容改。雲鎖泉聲幾洞天。
白楊荒塚月迷離。世態浮沉喜復悲。
識得此身原夢泡。亟須身後力維持。
說到良因豈偶然。三生石上尚留篇。
欲來苦海航多士。誰肯臨流覓我船。
李青蓮仙師示
濟濟蹒蹒亦禮云。白玉杯浮酒味新。
呂翁獨享香烟福。常爲名山作主人。
雲樹蒼茫入畫秋。泉聲不斷古今流。

李

仙人宮闕蓬萊近。館外橫梅月一鉤。
彷彿蓬壺擲此間。洞天福地記瑯環。
峭壁擘空雲欲補。飛泉奔壑石猶潺。
阮屐踏殘黃葉路。蘇箋題遍白雲山。
賞心最是流觴處。石古泉幽綠一灣。
李仙降
萬古風流李醉仙。不知日月不知天。
夜遊最愛樵山景。好枕流泉月下眠。
缺又圓兮圓又缺。一年一度中秋月。
月缺月圓年復年。轉眼兩鬢白如雪。
人道中秋明月好。誰知明月催人老。
青山忽改舊顏容。蒲徑黃葉埋芳草。
人生行樂須及時。遨遊到處隨所宜。
振筆直題山欲動。雲泉以外更無詩。

黃野人題

幾世修來隱此山。四圍綠繞水迴環。

暑天不見樹上日。滿洞烟霞鍊內丹。

劉海客題

樹上青山山上月。泉聲帶雨如吹雪。

聽泉入夏似聞寒。對景揮毫題七絕。

葛真人題

武夷山勢高參天。羅浮聳拔景天然。

不及樵山幽而秀。曲水流觴聲夜泉。

何仙姑題

月下名花酌酒香。荷裙風動白雲鄉。

丹經讀罷坤元訣。陰盡陽生謁玉皇。

弄玉仙題

非風非雨夜濤喧。雲鎖三湖作洞門。

良夜最宜橫竹笛。一聲吹到月黃昏。

藍仙題

心中有事祝嫦娥。自是家家拜月多。
月不缺時花不謝。大千世界盡銀河。

李凝陽題

竹杖芒鞋步到樵。永春園內聽芭蕉。
蕉聲不及泉聲壯。自譜梅花弄玉簫。

遊經一山又一山。咫尺羅浮任往還。
酒味花香都醉了。駕鶴回山月未殘。

呂祖師示羅弟子

相逢盡是箇中人。檢點行藏且認真。
報本敦倫昭大義。待人接物貴殷勤。
風流境界盡炎涼。誰向中流守獨強。

世道是非終日省。丹心一點對穹蒼。
舟從逆水轉灣時。力向中流把棹持。
得水莫貪風順送。但求身到鳳凰池。
訓世婆心處處同。還須自顧主人翁。
無慚衿影隨方便。善緣何處不相逢。
謹記音夫白豆功。直從此路達天宮。
莫言世道災磨甚。火裡栽蓮分外紅。
呂祖師降示
劫運滔滔年復年。刀兵水火受熬煎。
弭災不外勤修德。襟影存誠不愧天。
呂祖師訓示劉履真
處世和平要耐煩。風波歷盡兩三翻。
得安樂處宜放下。雲泉靜處有餘閒。
勿隨世俗競紛華。鬥勝衿奇一念差。

返樸還淳歸大道。逍遙性地散天花。
行藏在在有師隨。爾未來時我已來。
一息尚存無少懈。廣修功德又蓬萊。
呂祖師

蓬萊仙境寄真宗。無上玄微一念通。
明到本來真面目。自有生機悟不窮。
道德玄宗統一家。眼前無限吉祥花。
菩提自是娑婆界。不斷凡塵洗六霞。
隻履道人題

經聲不斷佈慈雲。果是無爲大道親。
緣結菩提歸正覺。一點緣機妙入神。
袖拂清風對白雲。泉聲不斷洗凡塵。
足履菩提乘鶴駕。虛明一點寄前身。
百城烟水寄蓬萊。幾瓣梅花次第開。

彌陀遍滿虛空界。
隻履西臨降寶臺。
達悟玄微一切真。
摩訶般若足傳神。
道德五千歸正覺。
人間若識可藏身。